

泉州府志

第九册

卷之十七至
卷之十九

K 295.7

2

泉州府志

第九卷

卷之二十七

卷之二十八

泉州府志

卷之二十七

泉州府志卷之十七

古蹟

宅墓坊亭附

閱新成故何往非蹟雪泥鴻爪古人蓋亦不計其傳
於後也然文人學士悉帶興懷非必盡高山大川廣
堂高廈足以恢廓其耳目往往蔓草荒烟之中徘徊
悲感而不能去夫非履其地而益思其人乎是雖華
屋山阿古今同慨而生苟有聞沒亦不泯式廬表墓
以逮後世棹楔之書皆是物矣泉地非比中州吳越
多賢達足跡所經易於附會其一二可傳之遺址前

人子孫或不能記憶而後人詩歌序記鄭重言之若有餘慕焉然則好奇之士讀書稽古其亦思今之視昔亦猶後之視今當何如自樹以垂不朽耶作古蹟志附宅墓坊亭

晉江縣

北樓隆慶府志謂卽羅城之朝天門閩書云衙城畱從効

開府建牙之地北樓在其上未知孰是宋時入州治

修葺

別載八署唐歐陽詹記釋名曰樓樓也謂其高明觀遠

樓樓然也建於第宅則以閨園林有媚樹於雉堞則以

警寇盜不虞故墨子曰城三十步一坐候樓百步一立

候樓茲樓皆蓋北郭北樓之上矣樓邑下其之台故而

具之表不倍常廣惟再尋製造日遠土木力殆左憲古
侈上露下圯有年數矣邦牧安定席公貞元七年下車
至九年目之三祀重民力而未形言是年暮秋歲暮農
隙有司率常典告有事於土功公曰斯郡之南極也元
后帝鄉實在於北詩不云乎心乎愛矣遐不謂矣欲因
戀主向北瞻矚惟北有樓半傾半摧日夜闕登陴擊柝
之所風雨憂折榱復隍之患政因時令爾其營之俾有
布席跪立之地閒更人防卒之滋事子將時躋展北面
拱辰之心焉受命者感公之意如公之意野人羣庶感
公之誠如公之誠川朝子來築崩易蠹址有餘而不剗
基坯自延材有長而不剪棟宇自崇無望凡徒未晦成
功倚層霄於軒檻納千里于牕牖如鱗之解署若岸之
軍壁得之之狀若連山之有重巒長江之感洪濤氣勢
由是以雄焉公每子牟情來莊舄思生俯仰於斯徘徊
於斯夫完城壯邑有邦之本也戀闕愛君爲臣之節也
善矣乎公廣斯樓也遠得有邦之本大有爲臣之節執
邦之本曰公謹臣之節曰忠惟公與忠公斯昭矣小子
家在委巷多聞輿頌藝黍備術每侍公居上志下衷兩

獲而達敬書其事而爲之記以獻至若眺四維之雲物
臨萬井之烟景遐衆佳致眸莫勝觀非公有樓之素故
不之載貞元九年
秋九月三十日記

蕭妃村在縣十四都畫船浦南俗訛爲燒灰村蕭妃唐文

宗母貞獻太后也村爲后故里閩書引唐書云后初入

十六宅爲建安王侍者元和四年十月生文宗寶歷三

年敬宗遇弑文宗入繼乃追上建安王尊號爲穆宗開

太后爲皇太后

按穆宗在位四年安得仍稱建安王敬宗初立已上廟諡安得文宗時有追上

尊號之事新舊唐書彰彰可考閩書徵引不經甚矣

太后因亂去鄉里別時父母

已喪有母弟一人及人王不問家問文宗以母族鮮

親詔聞趙連寧訪於故里太后有真母弟不能自達時
有蕭洪蕭本蕭弘者皆鄉里無賴先後詐冒覬國恩率
以僞妄流徙遠地死終太后之世不獲親弟也郡人名
其所居曰蕭妃村

按舊唐書以宏爲晉江令而新唐書以爲泉州男子未知孰是

洛陽亭在三十八都江潞爲郡士大夫餞別處亭柱有宋

修禊象記

唐歐陽詹亭中畱別詩天長地瀾多岐路身卽飛蓬共水萍匹馬將驅豈容易弟兄

親故滿
離亭

書馬石在羅裳山玉髻峯下闕書唐末羅隱乞食山下山
下人侮之隱乃畫馬于石每夜出食人禾追之則馬復

入石山下人乃改禮焉隱爲書椿繫馬馬不復出今其
跡瞭然好事者力鐫深刻欲與匹輒不久漫昧也俗傳
羅隱出語成讖雖未必盡然然黃滔贈隱詩有二三微
不起時賢議九轉終成道者三隱亦修真學道者流耶
許家巷在十四都橫山下閩書畱從効微時負販過此時
時午食於許媼家及從効貴賜媼第宅良田俗訛爲虎

家術

諸船浦在許家巷南浦皆沙地有痕如船樁帆畢具雖掘
地掃除之明日沙平其跡復見南風則旣樁北向北風

則帆檣南向

廣濟院

未詳其處

閩書五代時畱從効與朱文進鏖戰於此殺

傷過當坎地瘞之號千人塚後因建廟以薦冥魂

郡園

未詳其處五代唐敦仁遷泉山城畱侯招遊郡園詩當年巧匠製茅亭臺館翬飛匝郡城萬竈養殊戈甲

散千家羅綺管絃鳴柳腰舞罷香風度花臉粧勻酒暈生試問庭前花與柳幾番衰謝幾番榮

拱辰堂在府治西北啓榮坊內舊名朝天堂宋天聖閒建

元至正閒重修改今名明永樂中重建今廢

四卿堂在府城西朱明院福建通志宋天聖中藍承趙誠

宋宜陳侁同讀書於此後皆登科同時爲列卿邦人榮

之建堂其上

五老亭在府治南積善寺內福建通志宋皇祐中建郡守
陸廣輿與郡人呂方平李沂李成曾公濟爲五老會於
此後郡守潘珏與郡人王景純柯述謝履林植復會於
此

瑞蓮堂在府治學宮講堂右梁文靖克家肄業所也隆慶
府志宋紹興二十九年秋堂下池產雙蓮郡守辛次膺
以詩紀瑞是年克家領鄉解首明年廷試第一不十年
至幸輔乾道七年教授林岳建堂其側額曰瑞蓮祀文

靖其中教授張叔椿爲記今廢

沙堤亭在郡城南聚仁里隆慶府志宋梁文靖克家書扁
今廢

魁瑞亭在舊晉江學前舊縣學附府學隆慶府志舊名槐亭宋慶

元四年雙蓮產於亭下之池時樞密使曾從龍爲縣學

教諭明年擢進士第一教授解邦俊易今名淳祐二年

教授程暉拓而大之建曾公祠於其北今廢按入閩通志乾道四

年瑞蓮生于貢院石起宗登第二人諸志不載

泗洲亭在府治西闌闌坊內宋嘉定間郡守真德秀建

真濟亭在府治西南宋郡守真德秀建自書扁

國朝張雲翼真濟

亭懷真文忠公詩西山之出正學明立朝十年何錚錚
黨錮既開鯁言進一麾外守清源城外江潮通島嶼
前時海船皆畏征公來頓增三十六梯航銜尾鮫人行
誰駕颶風歟蜃霧洪波猶揚刀斗驚立馬酌漿祭死士
指揮一定斬長鯨更爲增屯置要害齊雲山下角不鳴
再來歡聲徹幽僻百歲之叟扶鳩迎二稅復嚴預借禁
一時彫弊皆寧盈真公自有
真經濟遺構千秋符令名

雙明亭在府治東南石井鎮亭巍然臨流羣峯秀麗環拱
其上

七里亭在郡城東七里許閩書宋嘉定十四年郡守宋鈞

建爲士大夫東行餞送之所屢修屢圯

仙跡亭在十七都宋尚書廣械建

登瀛亭在十九都宋季建

迎春亭在迎春門外

國朝康熙五十六年圯于水後屢議建未果

按禮歲迎春于東郊後因

亭圯職司者始成禮于城樓上此一時之權宜非制也
今亭址沒爲民居撤而復之禮鉅而費微亦在位者所

亟宜審
意也

定心塔在萬厚舖郡城之中明萬歷間造

國朝乾隆十四年重修

南安縣

應魁亭在縣治前唐歐陽詹登進士邑人取以名亭宋大

觀開主簿朱建揚明宏治間知縣沈誠繼修

歐陽亭在縣北二里唐歐陽詹遊憩所也

秀才堤縣志唐黃舉有文名郡守烏仲孺以女妻之爲築

沙堤十里直達其廬號秀才堤

國朝黃朝陽秀才堤步月詩落日有餘好蕭

蕭林木聲冷然歸路暝樹杪月已生湖光與山色蕩漾片明久之樵蘇寂棲鳥時一鳴湖山可棲隱所愧未

成名

招賢院在縣東二都唐晝刺史王審邦建院以延名士如

楊承休鄭璘韓偓歸傳懿楊贊圖鄭戩等皆依焉後人

因其地建亭

因其地建亭

劉店在縣北汰口驛旁南漢主劉龔祖墓在焉故名五代
史劉隱祖安仁上蔡人也後徙閩中商賈南海因家焉
綠野亭在縣前宋大觀二年主簿朱廷揚建縣志取詩春
回綠野家家酒風軟甘棠處處花之義

惠安縣

唐歸德將軍陳政故里在縣北閩書抄政光州固始人從
太宗征伐有功拜左郎將歸德將軍總章二年泉州蠻
獠嘯亂居民苦之高宗勅政統嶺南行軍總管事鎮撫

其地政戍閩家溫陵之北楓亭之南後政卒子元光代
領父兵平廣寇奏請置漳州朝議從之遂於郡之四境
設行臺四時躬自巡邏境內稱治

象浦在縣十九都輿地紀勝宋端宗於此洗象故名

霞店在象浦南輿地紀勝宋汪立信夫人康氏從宋太后
幼主入閩到此臨別之時后解霞珮以賜故名

試劍石在縣北十里許閱畫石四剖如蓮花外有石環之
如承盤然明縣人陳童作亂過此試劍石隨手劈開舊
傳黃巢試劍於此誤

明葉春及詩片石春風裏青苔覆綠雲蓮花山下吏無日不逢君

接官亭在縣南郭外元時建明正統十年致仕監察御史

陳濟重建今廢

安溪縣

曾子里在縣治東埔墘橋西縣志朱嘉熙開令趙崇粟爲

直講張讀題

仰朱堂在縣南臨溪宋咸淳中建以祀朱子者

梅堂

未詳所在宋陳宓詩天公久不試鉛華盡把清蓄賦

此花白玉堂中春未動等閑攀折野人家又祇知風

骨清如玉敢把精神看作花一陣異香明月下定知來

自玉皇家又世間何物最鮮華搖落林中第一花作計

莫輸蜂蝶後深紅淺萼便爲家又謾自塵勞鬢鬢華故

園空鎖未開年年飽看春來去輪與西湖處士家又

右貢